



Awe ta 50 aña
pasa cu Reina
Wilhelmina a
fayece



Husticia a haci un inval
na un cas na San Nicolas,
awe mainta



Available on the
App Store



Atracador
a apunta
arma riba
turista
dilan ti Hotel

Atracador a apunta arma riba turista dilanti Hotel




Diamars anochi alrededor di 10:30, un caso di atraco a keda registra den area turistico y dilanti hotel pa algun homber

desconoci cu a aserca un pareha turista di edad cu arma di candela y apunta riba e señora y bay cu su tas. E pareha aki ta bati alarma tur spanta na Riu Hotel y aki a despacha un Polis na e sitio. Personal di strandpolitie a presenta y a topa cu e pareha paden di Riu Hotel y nan a duna nan declaracion di locual a sosode. Nan tabata canando

yegando Hotel y un persona desconoci a bin riba nan cu un arma di candela pone na e muhe su frenta y a ranca su tas bay cune cu tabatin su documentonan importante. Personal di atraco team tambe a presenta na e sitio. Ta spera cu autoridad por pone man riba e individuonan aki ya cu esaki ta un mal imagen pa nos turismo den exterior.

Awe ta 50 aña pasa cu Reina Wilhelmina a fayece



Riba e potret aki por mira La Reina Wilhelmina di Hulanda, na 1901, aña cu ela dren-

ta enlace matrimonial cu Hendrick van Mecklenburg-Schwin.



Husticia a haci un inval na un cas na San Nicolas, awe mainta

Despues di un vigilancia pa basta tempo, awe parti mainta, autoridadnan competente di Cuerpo Policial, agentenan di RST, Cuerpo di Aduana, fiscal y otro instancianan concerni, a tene un inval riba un cas den Cherokezi-straat, na San Nicolas. For di den e cas aki, autoridadnan competente a bai cu computer, laptop, documento y cahanan, cu

varios contenido den nan, pa continua cu nan investigacion. No ta conoci ki sorto di investigacion esaki ta encera. E por ta riba labamento di placa, falsificacion y di haber cu impuesto, pero autoridadnan na e sitio no a duna ningun informacion alrespecto di e caso aki, cu ta uno hermeticamente sera. No ta conoci si a detene esnan cu tabata den e



cas, na momento di e inval aki. Aparentemente tin personanan di habla ingles, hunto cu localnan cu tabata

den e cas na e momentonan cu e inval a tuma lugar, pero, autoridadnan competente no a duna ningun informe di e na-

cionalidad di esnan presente na e momento ey. Un persona a keda deteni y autoridadnan a confisca un auto.

Trahadornan di DIVI a protesta awe mainta

Awe mainta 9'or trahadornan di Divi Daltime, a bay den protesta, pa motibo cu gerencia no ta dunando atencion debido pa keda cla cu nan contrato colectivo. Tur esaki ta tuma lugar, pa motibo cu e trahadornan ta hopi desapunta cu

compania, pasobra ayera na momento cu representante di sindicato FTA a yega na oficina di Divi Daltime pa negocia segun fecha y ora palabra, gerencia ta informa cu e no ta na altura di esaki. Despues a informa cu a kere cu pa mo-

tibo cu presidente di FTA no ta na Aruba, e reunion lo no continua. Mientras cu esaki ya a ser discuti cu gerencia cu lo tin un otro hende pa negocia. Pero gerencia no a haci caso di esaki. E trahadornan aki hunto cu Sindicato FTA den pasado a



trata pa yega na un CAO, pero basa riba e tardanza e tempo a caduca pa logra esaki y trahadornan ta sinti cu compa-

nia ta bayendo den e mesun direccion, cual trahadornan a rabia y awe 9'or ta protesta.





Recientemente, Drs. Gobernador, Fredis enKamer. Pa hopi Ling Wong a keda Refunjol, como miembro de Algemene RekenKamer. Pa hopi hende cu no sa di e trayectoria di Drs.

Drs. Ling Wong, miembro di Algemene RekenKamer

Ling Wong, ta un expert financiero/ Economico, cu experiencia vasto riba e terenonan aki. Drs. Ling Wong tabata president di Banco Central na Curacao, pero a ser retira door di e tempo ey, lider di partido MAN, y Prome Ministro di Antiyas e tempo ey, Don Martina, cu no tabata kier un Arubiano den e puesto ey. Ironia di bida ta cu awe historia ta ripiti na Curacao, na unda, atrobe ta retira un president di Banco Central, debi cueta un persona recto y para den su sapato y pa casualidad e director actual, Hemsley Tromp, ta yui di tata Arubiano, casa cu un yui di Curacao. Aki na Aruba, mes- ter bisa cu Drs. Ling Wong ta un persona sumamente, cualifica den e posicion aki y cu sigur lo sa di guia e posicion aki cu hopi profesionalismo, basa riba su experiencia den e ramo aki pa hopi aña.



HITESS N.V.
Arendstraat 124
Tel : +297 - 588-5966
Fax : +297 - 588-5895
Email : info@hiteSS.com

For Sliding Gates

DEIMOS Kit

- 1 BFT DEIMOS motor
- 2 Remote Control
- 1 Photocell
- 1 Blinker cu Antenna
- 4 Plastic rack di 1m



AFI.

1295.00



Horarios: Dialuna-Dlabierna 8:00 am - 5:30 pm
Diasabra : 8:00 am - 12:00 pm

Jama nos na 588-5966

Otorgamento di Rapport na E.P.B.- San Nicolas

Directiva y maestronan di E.P.B.- San Nicolas, kier a invita cordialmente tur e mayornan di alumnonan di nos scol pa un anochi pa mayor. Ariba e anochi aki mayornan lo ricibi e prome rapport di nan yiu y tin e oportunidad pa papia cu e mentor di nan yiu.

E anochinan lo ta:

Dia: Diahuebs, 29 di november 2012

Ora: 6:00 – 8:00 di anochi

pa: Alumnonan di 1e, 2e y 3e y alumnonan di Aspirant afdeling.

Nos ta conta cu boso presencia.



**Yama
nos na
Telefoon
5831400**

Pa tur informacion pa publicacio,
manda nos via di nos email:
[Newsad.dennoticia.com/
virgil@dennoticia.com](mailto:Newsad.dennoticia.com/virgil@dennoticia.com)

A ratifica cu pre-clearance ta keda Aruba y ta wordo amplia



Biahe di Minister di Turismo, Transporte y Labor, Otmar Oduber, pa Washington a duna resultado positivo caminda a keda ratifica cu e seccion di Clearance & Border Protection di Merca na Aeropuerto Internacional Reina Beatrix ta keda pa hopi aña mas. E reunion di e mandatario di Aruba a tuma lugar na Embahada Hulandes den presencia di Minister Plenipotenciario y durante cual tabata presente representantenan di tanto Aduana como Inmigracion Mericano. "E tabata un reunion fructifero y positivo," Oduber a duna di conoce. E reunion a wordo presidi pa e director di tur seccion di pre-clearance pafo di teritorio Mericano, Dylan Francisci, kende tabatin palabra di elogio pa e trabou cu ta wordo haci na e facilidad na Aruba pero tambe pa e bon relacion cu nan tin cu Gobierno. Pre-Clearance tabata un logro grandi cu ta data di un Tratado firma na 1994 y cu a

conoce algun adaptacion na 2008. Sinembargo tin algun punto den e Tratado aki cu Gobierno di Aruba kier habri un discusion riba nan. Tur esaki den cuadro di e hecho cu al menos



tres aerolinea ta bay cuminsa cu vuelonan for di Aruba pa Merca. Minister Oduber kier a sigura cu e aerolineanan, y otronan den futuro, por haci uzo di e servicio di pre-clearance Mericano, evitando di e manera aki e post-clearance. "Nos kier sigura cu tin suficiente slot y personal pa atende cu e vuelonan extra," Minister Oduber a declara na final di e encuentro. Pero tambe tabatin varios punto trece door di ambos

banda cu a keda di bay atende pa logra mehoracion pa ambos banda. E principal preocupacion di e mandatario tabata pa logra haya siguransa cu tur e vuelonan extra di Aruba

pa Merca por haya un servicio optimal na e pre-clearance Mericano. Den cuadro di tur esaki, mester trece algun cambio den leynan Mericano, y a wordo papia cu tanto e Departamento di Pre-Clearance como

esun di Transporte riba esakinan. Na tur e reunionnan cu a wordo teni na Washington cu e diferente autoridadnan di aviacion, Minister Oduber a sigura cu e servicio aki na aeropuerto di Aruba ta wordo bon uza. Inclusive su uzo a aumentado door cu Aruba a crece den capacidad di stulnan. Aruba ta 5% mas halto cu otro destinacionnan den Caribe cu tin e servicio Mericano tambe. E mandatario kier a sigura esaki cerca e autoridadnan concerni, pa motibo cu hopi pais, y Merca tambe, na momento di corta den gastonan (of Presupuesto), e prome caminda cu bista ta cay riba dje ta nan servicionan den exterior. Den e caso di Aruba sinembargo a wordo ratifica cu e servicio di Pre Clearance and Border Protection ta sirbi ambos banda positivamente. Al contrario, e mandatario a bisa, "nos ta mira e necesidad pa bay amplia e servicio aki." El a splica cu aeropuerto ta bay haci algun inversion den cambianan cu nan kier haci den e area Mericano. E intencion of plannan

ta, elimina e parti caminda e pasahero ta recoge su maleta pa hibe Douane Mericano. "Nos kier logra un miho servicio unda cu ta elimina e parti caminda ta recoge e maleta pa di dos biaha, eliminando asina e di dos parti di e control."

"Mi ta hopi satisfecho," Oduber a bisa, "pasobra a wordo ratifica cu pre-clearance ta keda Aruba, ya cu strategicamente nan ta mira Aruba como un partner. Pesey mi ta contento cu e reunion a finalisa cu un declaracion hopi cla cu CBP ta keda Aruba y pa hopi aña mas." E ta masha importante si mira cu varios isla of pais ta pidiendo pa haya e servicio di pre-clearance. Sinembargo e condicionnan a bira hopi mas pisa y no t'asina facil mas pa haya aprobacion di Congreso pa un presupuesto pa mas di e facilidadnan aki pafo di Merca. "Aruba ta bendiciona cu nos tin'e y mester mira con pa hacie mas eficiente posibel pa por acopla e cantidad di peticion di vuelonan cu kier pasa Aruba pa yega Merca. Awor nos ta na e cantidad maximo."



Masha hopi cas sin coriente y awa debi na situacion precario



Na e momentonan aki, yegando fin di aña, na unda mayoria di nos den comunidad, ta prepara pa celebra diano di fiesta pa termina un otro aña y na unda nos ta concentra riba compras di cosnan pa cas y pa cena di Pasco, otro nan ta sinta sin awa ni coriente na cas pa lunanan caba. Nos mes ter para un rato y tira un bista rond di nos y mira na unda nos ta bayendo. Enberdad

nos isla a progresa y tin hopi adelantonan, pero e berdad amargo tambe ta cu tin masha hopi hogar cu ta pasando den momentonan dificil, ya cu nan meter di awa y coriente a ser kita, debi cu nan debe lunanan y no por paga esakinan. E situacion ta uno sumamente dificil y caotico, na e momentonan aki, ya cu hopi di nos cuidadanonan no por complete e suma pa pagan an necesidadnan basico, cu ta awa y coriente. E cifranan di esnan cu ta sin awa ni coriente ta surpasa mas di 300 cas sin un meter conecta, debi na falta di placa pa cumpli cu esakinan. Sin conta ainda e parti di suministro di compra pa cuminda y paña. Hopi muchanan cu tin simannan, si no ta luna nan sin por bai scol, ya cu e situacionnan describi aki riba, ta pone e mayor nan den un situacion dificil, cu no por cumpli cu nan necesidadnan

basico pa por manda nan yuinan scol. Tin hopi cu no ta ni aserca e departamento social pa ayudo, debi na berguesa. E realidad aki, nos ta bibando den nos comunidad awendia y ta uno lamentable, pero e situacion critic pa falta di entrada of suficiente entrada ta haci cu e sorto di situacionnan aki ta presenta. Ta di spera cu lo por bini un solucion pa sigur e tantisimo casnan sin un meter di awa, ya cu awa ta e element basico di sobrevivencia y, Nacionnan Unit a describe bon cla cu no por laga un ser humano ser awa pa e por sobrevivir. Vooral casnan cu tin criaturanan chikito mester di e likido precioso aki. Un suplica na nos mandatarionan pa tira un bista riba e tantisimo meternan desconecta tanto di coriente, como di awa, ya cu e cifranan aki ta espantoso, hasta pa publica, pero nan ta e realidad bibo cu nos ta haya nos confronta cunele tur dia. Den e asuntonan aki ni Gerencia di Elmar ni esun di WEB Aruba NV, no por haci nada, ya cu tur loke tabata na alcanse, ya nan a duna nan aporte caba segun nos redaccion tin entendi, pero con duro cu e por zona, bida ta sigui y e dos companianan aki tin nan responsabilidadnan pa cumpli cu nan.

Coming soon



Homber a destrui tur cos den Alibaba

Un homber rasta, a drenta den Alibaba Shoarma situa den edificio di Doña Clara y un rato tur hende den e lugar a scucha un glas kibra y a wak un homber kibra esaki. E homber a drenta e lugar kibra delaster un cos cu e por a haya su dilanti y te asta benta cahanan di cerbes y soft drink. Tur e personanan den e luga a

keda den susto y no sa ki intencion e homber por tin y a para keto. E homber a sali pafo y di biaha a bati alarma na Polis. Na e sitio e Polisnan a tuma datos y a wak e destruccion cu a keda haci y aki a traha un rapport recherche lo keda di pasa siguiente dia pa wak e video.



Diamars atardi na un cas den Wayaca Residence, tabatin andando un fiesta di mucha unda tabatin un

Explosion di gas a laga homber kima durante fiesta



BBQ pit pero algo a bay robes unda tabatin un explosion di gas y e candela lo a kima un persona. E victima a core busca ayudo y busca awa y a core drenta un cura di cas den sercania y a bula den un Pool pa asina fresca su curpa di e kemadura cu el'a haya. Brandweer cu urgencia a

presenta y aki a domina e candela mientras a keda muha e boter di gas cu tabata cayente. Polis tambe a yega pa wak e situacion y aki a solicita ambulance cual e personal a controle na e sitio y e victima no tabata kier a bay cu ambulance pa Eerste Hulp.

Temporada di mata bestia na Servicio Veterinario



Manera ya ta conoci, Servicio Veterinario ta mata bestia riba dia-mars y diahuebs, pero mirando cu ta e temporada di dianan di fiesta, awor por laga mata bestia di dialuna pa diahuebs. Tur dia di 7am pa 11am aunke mas trempa bo trece bo bestianan, miho. Pa loko ta e prijsnan, esaki a keda mesun cos. E ultimo dia pa mata bestia lo ta dialuna 17 di December. Rekesitonan ta entre otro pa trece e bestianan trempa. Si bo tin hopi bestia ta miho bo yama un

dia adelanta y traha un cita pa asina bo no mester warda y perde bo tempo. Cordo bin cu baki y saconan limpi pa pone e carni aden. Preferiblemente baki di plastic. Servicio Veterinario ta controla si e bestianan ta malo y tin algun enfermedad. Ta wak si nan ta cana bon, sin an tin infeccion of si nan tin evenwichtstoornis. Si e bestianan ta malo, nan no ta mata e animalnan. Unabes cu nan wordo gekeur, e bestia lo ta safe pa come.

DRAGON CD & ELECTRONICS

Mainstreet San Nicolas Tel. 584-3999
open 9.00 - 13.00 and 14.30 - 18.30

Dragon specials



Tablet PC
Titan tablet
Afl. 255.00



Galaxy S3
Afl. 1325.00



Naxa NPB-250
Afl. 115.00

Accessories for: HTC Sensation XL, One X, Rhyme and Samsung S2, S3 and Note. Also: iPhone 4, Samsung S3, Samsung Note, Blackberry torch, bold2, bold 3, 9790, curve 9360, curve 9220, 9320 and more.

Hp Laptop 15.6" 4Gb 5200b Harddisk. Afl. 990.00

Hp Acer 10.1" 1Gb 320 Gb. afl. 610.00

Hp ink cartridges, Universal laptop adapters etc.

Titan gift cards \$ 10.00 and \$ 15.00 and Playstation Network cards.

Sales, repair and accessories for all blackberry models and other celllars.

Unlock, reload, reset, upgrade, replace lcd, keypad, speaker etc.

Investigacion haci dor di Algemene Rekenkamer di Hulanda y Aruba tabata imparcial

Diabierna ultimo a sali un publicacion, den cua ta duda den e imparcialidad di e investigacion haci dor di Algemene Rekenkamer di Hulanda y Aruba den e departamento di impuesto di Aruba. Ta trata aki di un investigacion riba integridad general di e departamento aki. Sigur no ta trata aki di un investigacion riba e incidente di lekmento di e datonan di un contribuyente di belasting. Algemene Rekenkamer di Hulanda y Aruba a introduci regla y marconan cu mes- ter sirbi como liña di maneho pa garantiza integridad di e departamentonan gubernamental. Ambos Algemene Rekenkamer a investiga te con leu a tene cuenta na e momentonan aki cu regla y marconan asina. E comentario di e vocero di departamento di impuesto sra. Romano cu e personal lo no tabata envolvi ta incomprendibel y tampoco ta cuadra cu berdad. Na luna di juli Algemene Rekenkamer di Hulanda y Aruba a sinta durante 9 dia den e sala di conferencia di e directiva di impuesto hiban- do combersacion cu varios miembro di personal di departa- mento di impuesto. E miembronan di personal aki a wordo selecta riba nan fun- cion dor di ambos AR. Aki tabata trata di miembronan di personal cu segun AR ta ocupa puestonan halto pa por garan-



tisa integridad den e departamento. Tam- be AR di Hulanda y Aruba a haci inves- tigation riba regla y proceduranan ex- istente relaciona cu integridad a base di e informacion dis- ponibel. Ta keda con- fusio na kendenan ta referi ora Amigoe ta relata di dos director di departamento di impuesto cu a wordo manda cas. Pa kita tur duda: departa- mento di impuesto tin un solo director. Dia 16 di novem- ber 2010 a neng'e temporalmente en- trada den e edificio. Despues a prohibi un especialista riba tereno di cobranza temporalmente pa drenta e luga. Desde 23 di december 2010 nan por a regresa na nan puesto. Ambos a meld nan mes malo pa un periodo lar- go. Amigoe ta skirbi tambe cu a schors funcionarionan di posicion halto den departamento di im- puesto. Un definicion mas specifico di 'fun- cionario den posicion halto' lo tabata na su luga. Aki ta trata di un lider di team y tres empleado di departamento di IT, entre nan e hefe di e departamento. A schors e hendenan aki a base di un in-

vestigacion cu ainda ta andando. Straño ta tambe cu Amigoe ta informa abiertamente cu e debe di sr. J. Mansur ta di 20 mi- yon florin. Riba Face- book un ex Prome Minister a pone cu servicio di impuesto a bin cu un proposi- cion di compromiso cu Mansur di 1,5 mi- yon florin. E debe di Mansur nunca taba- ta 20 miyon, asina ta cu loko ta wordo skirbi aki ta un dis- parate. Pisca grandi ta wordo trata mes- cos cu tur otro hende cu tin cu paga belas- ting. Pero, un pisca grandi mescos cu tur otro hende tambe tin derecho riba un bon gobernacion y un trato drechi ora ta trata su asuntonan di belasting. Ningun hende ta aprecia pa mira su cuentanan di belasting riba FB of den otro medio- nan di comunicacion. Negoshinan grandi no ta wordo privile- gia of trata di otro manera. Contrario na egobierno anterior a crea si un miho are- glo di pago cu antes, hustamente pa per- cura cu negoshinan y personanan priva sin cu ta nodi ta bati bancarota. Di e for- ma aki famianan no ta keda riba caya sin cu ta necesario.

Gabinete Mike Eman: protocol "Aruba cu Deporte na Pecho" Firma

Organisacionnan deportivo y centronan di bario di Aruba tin un tarea hopi importante y esencial di sostene bienestar general di nos comunidad. Cu desaroyo deportivo ta cultiva hobennan sano den curpa y mente, ta algo cu practicamente tur hende ta consciente di dje. Di otro banda, hopi no ta realisa e peso financiero cu costo di iluminacion riba facilidadnan deportivo tin riba e organisacionnan. E ultimo aki tabata un topico cu a combersa hopi riba dje den Dialogo Social algun luna atras. Ayera a yega asina leu cu Gabinete Mike Eman y N.V. ELMAR formalmente a compromete nan mes cu e facilidadnan deportivo y centronan di bario pa medio di un protocol cu lo regla un rebaho riba e consumo di coriente di e organisacionnan aki. Protocol "Aruba cu Deporte na

Pecho", ta duna un reduccion di 50% riba e uzo di e prome 1000 kWh di consumo riba e recibo mensual di organisacionnan deportivo y centronan di bario. E prome organisacionnan cu a firma e protocol ta SV Riverplate, SV RCA, SV Dakota, Centro di Bario Dakota, SV Aruba Juniors, Centro di Bario Playa Pabou, Stichting Dakota Basketballveld, YMCA Dakota. Esaki a tuma luga riba veld di Riverplate na Playa. Mas anochi, Prome Minister Mike Eman, Minister di Finanzas Mike de Meza y Minister di Deporte Richard Visser hunto cu director di ELMAR a reuni na Centro di Bario Tanki Leendert cu un grupo mas di firmantenan di e protocol. Deportivo Nacional, SV Bubali, SV Juventud Tanki Leendert, Centro di Bario Noord, Kudawecha Ballpark y Centro di Bario Tanki Leendert



a firma e protocol. En total, 16 organizacion a firma e protocol dialuna anochi y ta programa cu diamars y diahuebs ta firma cu un cantidad mas grandi ainda di organisacionnan deportivo y centronan di bario rond di Aruba. Prome Minister Mike Eman a bisa cu e protocol aki ta bay tin efectonan mucho mas importante cu hopi ta pensa na e momentonan aki. No unicamente e ta bay baha e peso financiero riba e organisacionnan, pero tambe e flexibilidad aki ta bay yuda cu chikito y grandi por haci mas actividad deportivo en general. Segun Sr. Eman, e rebaho aki lo costa gobierno, mirando cu ELMAR lo tin mucho menos placa na ganashi. "Nos a scoge pa prijs di coriente pagabel na Aruba. Nos no a mira e dividendo, si no e interes pa desaroyo di nos pais. Prome Minister Mike Eman a bisa cu hopi trabou a bay den e protocol aki y duna palabranan di danki na su colega Minister

Visser di deporte pa su empeño grandi pa corda nan constantemente di e necesidad aki. Minister di Finanzas, "Mike de Meza, a haci hopi di su parti pa tur esaki por ta un realidad awe." Na ELMAR, Prome Minister a gradici su director, Sr. Henriquez, pa e dedicacion y contribucion pa por a yega na un protocol cu ta beneficia tur e organisacionnan aki. Na final di e anochi, Prome Minister a splica cu e rebaho pa e facilidadnan deportivo y centronan di bario aki, ta adicional riba e rebaho general cu a institui pa henter Aruba. Esey kiermen cu e comunidad deportivo por conta cu un rebaho di mas di 50% riba iluminacion di nan facilidadnan deportivo. E maneho aki ta uno cu ta bay demostra di tin hopi efectonan positivo pa nos comunidad, pero particularmente pa e mundo deportivo na Aruba y tambe salud en general di nos comunidad.



OROCASH®
COMPRA Y VENTA

Prestamo riba cualkier articulo, manera
ORO, Auto y Aparatonan Electronico y cualkier
articulo pa cu bo tin balor.

Purba bo mes!
Bin cerca nos!

HABRI 7 DIA DI SIMAN

8:00 AM a 10:00 PM Telf: 582.49.89

**Av. Alo Tromp Nro 2 Edif.
Kini kini Oranjestad, Aruba**

Durante reunion entre Minister Otmar Oduber y alto ehecutivonan di Jet Blue a bin dilanti cu



Durante su bishita di dos dia na New York, Minister Otmar Oduber a reuni cu alto ehecutivonan di Jet Blue, cu ta e compania aereo cu ta bishita nos isla cu frecuencia mas halto. E mandatario a indica cu e reunion a bay sumamente positivo y e ta considera e reunion aki uno importante, no solamente pa e relacion cu tin cu e compania aereo aki cu ta esun di mas grandi cu ta bishita Aruba. Mester bisa cu Jet Blue a aumenta nan capacidad di asiento cu 30% for di october di e aña aki.

Durante e reunion e ehecu-

tivonan di e compania a trese algun preocupacion dilanti, manera loke a sosode cu brandweer na Aruba caminda ta afecta e parti di seguridad como tambe cu tabatin consecuencia financiero pa operacion di Jet Blue. E ehecutivonan ta keda cu e temor cu esaki lo por sosode atrobe.

Durante e reunion Minister Oduber a duna e garantia necesario cu esaki lo wordo evita por completo den futuro. "Naturalmente nos lo conversa tambe cu Minister di Husticia riba esaki pa muestra riba tur e consecucionan cu tabatin pa

Ta reina un ambiente di positivismo serca e aerolinea pa loke ta nos mercado

Jet Blue", e mandatario a duna di conoce.

Banda di esaki, tabata reina un ambiente di positivismo serca e alto ehecutivonan, a pesar cu Delta ta inicia cu vuelonan diario for di e mesun destinacion. Jet Blue ta keda mira e mercado positivo.

Minister di Turismo, Transporte y Labor a indica cu Jet Blue ta un compania hopi importante pasobra despues cu loke a sosode cu American Airlines, Jet Blue a yena un bashi hopi grandi cu tabatin den e mercado principal di Aruba esta North East, specialmente Boston, New York y henter e area cu ta usa New York como hub. "Pa nos e ta keda un partner strategico y principal pa loke ta trata transporte di nos bishitantenan pa Aruba y e relacion cu nan mester keda uno sumamente positivo. E ta un compania cu ta creciendo keto bay, lo expande dentro di poco caminda nan ta mira Puerto Rico, Fort Lauderdale y Orlando den un futuro sercano como

un tipo di hub y nos mester tey pa por bati na porta di biaha cu ora nan haci esaki, Aruba ta riba e plannan pa por expande y habri e mercadonan aki bek".

E mandatario a agrega cu esakinan ta mercadonan importante cu por usa como hub for di diferente partinan di Merca.

Finalizando Minister Oduber a bisa cu e relacion cu nos partnernan ta hopi importante, cu a crea un relacion cu nan basa riba confianza, no ta hunga tras di lomba di ningun compania, al contrario, ta habri.

A crea un fondo desde cu ATA a wordo privatiza specialmente pa loke ta trata aerolinan, igualmente a crea un comision cu ta encarga cu airlift. Cu esaki e ta muestra cu e hendenan sa cu loke papia y discuti cu nan, ta loke Gobierno ta cumpli cune tambe. Danki na esaki e respet por wordo mira serca tur e partnernan den industria di aerolinean.

Compania Arubano di Petroleo ta den deliberacion cu representantenan di REPSOL



REPSOL, e compania Spaño cu ta interesa den haci exploracion den e subsuelo di nos lama, ta den deliberacion caba cu 'Compania

Arubano di Petroleo N.V.' CAP, un NV di gobierno. Minister de Meza, encarga cu e asuntonan aki, a bisa cu e ley di petroleo tabata mester di algun adaptacion, loke a tuma luga den Parlamento siman pasa y unda tambe el a keda acorda. E cambionan cu a wordo haci den e ley aki ta regarda entre otro leynan di belasting. Asina a yega na un asina yama "government take" cu ta encera cu e eventual ganashi pa e pais ta bin di pagonan di belasting y un parti di e contract. Minister de Meza

"Mester a modernisa e ley di petroleo pa por competi y na mes momento duna incentivo y ta 'up to date' si yega na cera un contract cu REPSOL". E ley a pasa den Parlamento cu 15 voto na su favor cu ta dun'e un base amplio. De Meza ta satisfecho cu e resultado aki, aunke cu e ta lamenta si cu di fraccion di MEP dos miembro un bes mas no tabata presente, tampoco dos miembro independiente. Thijssen (MEP) y Wever (independiente) a vota contra e cambionan den e ley, argumentando cu nan no a haya 'inzage'

den e contract firma cu REPSOL. Minister de Meza a splica un bes mas cu no tin un contract cu REPSOL, ya cu te ainda nan ta den negociacion. "Mi mes no a mira ningun contract. Mi no por duna ningun hende un contract pa mira cunano ta existi". De Meza a informa cu e derecho di negosha un contract ta exclusivamente di CAP. Asina cu yega na un contract CAP mester presenta esaki na e aandeelhouder y Minister di Energia y henter Consejo di Minister pa aproba esaki pa e wordo efectua.

Homber ta tira contrabanda na KIA a ser gara

Diaranzon den oranan di marduga, personal atento na e toren di KIA a tuma nota di un persona full na preto bisti yegando cerca di e cura di KIA y aki a bati alarma na autoridadnan. E homber aki full na preto bisti a purba na tira contrabanda den cura di KIA, Polisnan a presenta y e homber a keda aresta y a haya 5 blackberry den su pover y cantidad di pucho di marihuana cu posibelmente esakinan lo keda tira den cura di kia.



InselAir ta forma parti di organisashon regional di aviashon ALTA

Latin American and Caribbean Air Transport Association (ALTA) a konklui su di 9 (nuebe) asamblea na Panama City den kual nan ta apelá pa sigui traha riba mehorashon di seguridat den region.

Roberto Kriete, Presidente di ALTA ta komentá ku apesar ku e asociashon a logra mehoransa pa ku seguridat den Latino América i Caribe. E lo sigui hasi esfuerso pa konvensé outoridatnan pa hasi e akreditashon di IATA Operational Safety Audit (IOSA) un sertifikashon rekerí pa aerolineanan ku ta ópera den e área aki.

ALTA ta orguyoso ku nan ta terminando nan di 4 año konsektivo sin aksidente fatal resultando den un rekòrt. E resultado aki ta mas mihó ku e average mundial di aerolineanan sertifiká pa IOSA. Ta importante pa remarka ku aerolineanan ku e sertifikado IOSA den e region aki tin un rango di aksidente ku ta 4 biaha mas abou ku e aerolineanan ku no ta sertifiká pa IOSA, anto e diferencia

aki mester wòrdu kita. ALTA ta hasi un apelashon na IATA i Flight Safety Foundation pa yuda krea un programa similar ku IOSA pa aerolineanan ku ta ópera ku avionnan chikí i ku no ta bin den remarke pa haña e akreditashon di IOSA.

E manera di kolaborá hunto den e region aki a produ sí e ALTA-IATA Trend Sharing Program (AITSP), kual a hasi posibel te ku aworaki pa por kolekta 84 porshento di informashon pa ku kalkulashon di riesgo. Esaki ta despues di solamente 1 año ku e programa aki a wòrdu implementá. ALTA tambe ta apelá na outoridatnan pa sigui traha via di e Regional Aviation Safety Group Pan America (RASG-PA) pa asina sigurá un aserkamentu hunto i koordiná pa ku seguridat den region.

Alex de Gunten, Direktor ehekutivo di ALTA ta konklui enfatisando un biaha mas ku e logronan di ALTA pa medio di su miembronan ta mesun grandi ku e kresementu den e mundu di aviashon. Alabes e ta at-



vertí ku pa sigui sostené e kresementu aki, nos mester traha hunto ku outoridatnan di aviashon, aeropuertonan, fabrikante, ICAO, CANSO ACI/LAC, Komishon di Aviashon di Latino América (CLAC), IATA i otro entidatnan pa asina sigurá ku por kumpli ku e ekspektativanan di kresementu den e region aki.

Durante di e asamblea a nombra tambe e miembronan di komishon di direktiva di ALTA pa e periodo 2012 – 2013.

Roberto Kriete, President (Chairman AviancaTaca)
Enrique Cueto, Vice-President (CEO LATAM)
Pedro Heilbron, Director (CEO Copa Airlines)
Fabio Villegas, Director (CEO AviancaTaca)
Andres Conesa, Director

(CEO Aeromexico)
Marco Antonio Bologna, Director (CEO TAM)
Albert Kluijver, Director (CEO InselAir)

**RICIBI
DEN NOTICIA
TUR DIA DEN
BO INBOX
GRATIS**



Registra awo!

Manda bo e-mail na
news@dennoticia.com

Disfruta cu henter famia un dia yena cu arte, historia y tradicion di Aruba y di Regio

Diadomingo dia 2 di December, 10'or di mainta Museo Arqueologico Nacional Aruba ta presenta un Canoa Wayuu na publico. E canoa aki ta un regalo di e comunidad Wayuu di Riohacha na comunidad di Aruba y Museo Arqueologico. Riba e dia aki tambe ta ofrece un Tour Cultural den bus na unda publico tin e oportunidad pa mira e exposicionnan mas recien na Ateliers' 89, Museo Historico, UNOCA, Free Zone y VNO, como tambe disfruta di actividadnan na waf chikito organisa pa Stichting Rancho. Develo di Canoa Wayuu Diadomingo di Famia Awor na Museo Arqueologico! Museo Arqueologico lo devela un canoa Wayuu pa 10.30 am cu ayudo di muchanan di Aruba y muchanan Wayuu. Despues di e parti oficial e diadomingo di famia ta sigui cu workshops creativo unda por traha adorno pa e kerstboom dilanti di Museo. Dr. Weidler Guerra, un antropologo Wayuuspecialisa

den navegacion maritimolo duna un lectura di navegacion Wayuu pa 11'or di mainta den auditorium di Museo Arqueologico. Alavez lo por disfruta di un dushi cuminda crioyo di e bario di Rancho como tambe cuminda Wayuu bou deleite di dushi musica live te cu 2.30'or di atardi.

Haci e Tour Cultural den bus y mira tur e exposicionnan di arte!

Stichting Rancho ta organisa actividadnan di piscamento pa famia na waf



chikito na unda entre otro lo por disfruta di un dushi cuminda traha riba carbon, den e tradicion di Indiannan Wayuu. E actividadnan lo sigui te cu atardi cu dushi musica di e temporada. Especialmente pa e diado-

mingo aki, Ateliers' 89 a extende su exposicion "Linked", cu dos dia extra y ta habri su portanan for di 10'or di mainta te cu 4'or di atardi. Bin experiencia e 'Youth Bienale' aki cu obranan di artistanan hoben di Aruba, biba tanto na Aruba como afor.

E exposicion impactante "Happy Islands" di e Promer Encuentro Bienale di Aruba na Freezone a ser extende 2 siman extra y e diadomingo aki ta e ultimo oportunidad pa publico mira e obranan di arte resaltante di artistanan di Aruba y di Caribe. Artista Belinda de Veer tambe a extende su exposicion impresionante na UNOCA pa asina tur persona na Aruba haya e oportunidad pa mira su obranan di arte. Representacion di Hulanda na Aruba (VNO) ta habri pa publico e diadomingo aki cu nan exposicion 'One Happy Kingdom' di 10'or di mainta pa 2'or di merdia. Bishita tambe e exposicion di Rita Maasdammer na Museo Historico na Fort Zoutman y disfruta di un dushi snack crioyo.

UNOCA a pone un bus disponible cu lo corre entre tur e exposicionnan aki desde 10:30 di mainta te cu 2.30'or di merdia, pues parkeer bo auto, subi bus y disfruta gratis cu bo famia di un dia yena cu arte y cultura di Aruba y di Regio. Museo Arqueologico ta gradici CEDE Aruba, UNOCA, VNO y Gobierno di Aruba pa haci e proyecto aki realidad.



Alumno y famianan lo pasa test pa wak si nan ta contagia

Maribel Tromp, ta epidemiologo na Directie Volksgezondheid cu ta e instancia cu ta encarga cu investigacionnan necesario pa loke ta trata aki di e caso di e alumno di Colegio Arubano cu Tuberculosis (TBC). Segun Maribel Tromp, Tuberculosis no ta algo raro na Aruba, ya cu pa aña toch sa tin en-

tre 6 pa 8 caso di personanan infecta cu e bacteria aki. Loke ta haci e caso aki fastioso ta cu ta trata di un scol y pues mester ta cauteloso. Dienst Besmettelijke Ziekten (DBZ) ta custuma di trata casonan asina y manera ya a ser bisa, otro siman tur e 'close contacts' di e alumno lo wordo inves-

tiga y nan lo haya un spuit pa wak si enberdad nan ta infecta. E spuit aki (PPD of Mantoux test) no ta un vacuna sino un test pa wak si e persona tin algo. E ta un test di cuero cu ta tuma cu un hangua chikito. Meta di e test ta pa wak si tin anticurpa forma contra Tuberculosis. Di experiencia DBZ sa cu



TBC ta dura basta prome cu e simptomanan



Riba NoordZee awe a parece un dobbel regenboog

Algo cu masha poco ta ser mira, a keda presenta awe parti mainta tempran riba NoordZee, na unda esnan cu por a mira, a capta un dobbel regenboog cu a parece den shelu.



Husticia a haci un inval na un cas na San Nicolás, awe mainta

Recientemente, un fotografo a capta e escena unico aki, na unda un tribon blanco den lama na Cape Twon

Australia, tabata purba di gara un cacho di awa, pero esaki tabata di rubber.

Dos pan traha forma di pecho humano

Na un forma cu no por a splica e panaderonan a haya nan mes confronta cu dos pan pega na otro den forma di dos pecho humano. Esaki a keda exhibit na e panaderia pa tur esnan cu kier a mira e dos pan nan

aki y cu a hala hopi hende pa mira y di biaha compra pan pa hiba cas. E doño di e panaderia a raporta un aumento den su compra diario e dia ey.



Un lama cora di algae a sorpresa hopi hende Un lama cora di algae a sorpresa hopi hende

Esnan cu tabata den lama of riba beach na Australia, preparando pa drenta laman, a haya sorpresa din an bida, na momento cu e lama a bira cora. Nan a kere ta un milagro, pero esaki a resulta di ta un gran cantidad di algae cu a bin serca di beach, den un forma inexplicable.

Bandanan na Brasil ta horta holoshinan di categoria

Na e momentonan aki, polisnan di Brasil ta concentra na busca bandanan di ladron cu ta especialisa pa horta holoshinan di marca, manera rolex, patek philip, cartier y otronan for din an victimanan cu nan ta scohe, na momento din an actividadnan criminal. E

siman aki mes un yui di un senador a keda atraca y su amigo a ser tira mata, despues di cu e kier a resisti e malechornan aki cu a bai cu nan holoshi di marca.

